

T9117/4344 (66)

捧月樓詞

第三冊

捧月樓綺語卷五

錢唐 袁通

蘭邨

伴雲詞下

齊天樂

再訪蘭塘語及蓉裳頻伽良甫伯夔因觀競渡
同息湖濱尊酒倡酬傳為盛事余歸晚未獲壓
角其間悵然賦此



扁舟重問西泠路亂峯遙認煙杪露脚明餘虹腰斷處
指說半湖晴了相逢一笑正波翠分嵐曉眉新掃鶴去
亭孤梳翎閒立鷺鷁小
葛林園山樓
正對孤山
遲來可憐幾日
已恩恩負却幾度吟嘯舊隱難招新盟空結題字漫尋

鴻爪風前側帽整
賒取冰醪緩移煙棹
冷眼閒鷗怪人
歸不早

高陽臺

林君小桐以丁卯秋僑寓秦淮七夕招羣花作
乞巧之會繪西樓雅集團紀之湖上相逢索爲
題句

花鎖樓深闌隨波曲
畫來好景如仙風剪高梧
秋聲墮入箏絃如鉤月
蕩繩河影又人間
瓜果當筵問雙星記
否相逢今夕何年
恩恩小結龍華會
看舞遲銷燭墨醉題
牋纔得勾畱消魂已
聽啼鶻波心散了閒鷗
夢儘飄零甚日重圓
賸青溪一帶明流冷
照嬋娟

齊天樂

姜笠人漁挂笠圖并序

歲戊辰秋九姜君笠人歸自吳下枉訪倉山時
周盈綻黃蓬蓼縞日菌妾碧嫩雅舅紅酣酒意
詩懷未宣苑薦適汪子山錢叔美郭香生吉家
湘灤先後來會雁影始聚鷗盟未寒卯酒醉而
竹肉爭聲宵榻聯而煙雲入夢望遠登岩不仗
柳樾聽泉涉澗無事繩扉酣嬉之餘閒徵翰墨
笠人工繪事叔美香生湘灤亦雅所宿尚每當
曉霧眷水午花媚晴冷雨沉山高霞翼嶺曲瑤
乍捲穴鼻窺人清防甫開素雲敷席奇景異態

日夕萬變四君齏然有戀爭爲狀之裁紅熨碧
殺粉調脂魚卵雲膜之煖鼠鬚栗尾之筆羅諸
几案任其驅使當午賦色輒迄子夜殊音合奏
曲異響連盍簪之樂無以儷匹浹辰而子山歸
瓦梁叔美湘濩與之偕去香生將應聘之姑蘇
余亦被官檄促行遠赴東粵爲歡未終賦別增
感笠人則放志邱壑棲心林藪言歸金庭山稱
江湖長屬叔美作挂笠圖一竿一笠宜雨宜煙
殆貌其澹逸傲吾儕徵逐也南皮之會初罷今
時北山之移定勒他日圖成諸君皆有題句余
爲作序并系以詞

涼飈忽送秋蓬轉蕭然眷此泉石遞酒簾欹懸鐙波豔
滿耳亂絲叢邃雨晴月額喜影借冰蟾整圓齋壁報與
輕寒拂窗一翦墜梧葉浪遊同爲底事任嶽嘲隴詭
又脫雙屐西塞魚肥東臯秋澹輸爾歸尋釣宅風停霧
泊算孤棹橫煙可嫌寥寂伴取吹簫小紅應早覓

生查子

紀別

繡戶鎖新寒蘭燼拖金穗起自掩紗窗斜月西南墜
虬箭報三更扶進人微醉嗔怪恁歸遲推厭羅衾睡

又

聞道欲分襟回面垂雙筯商略暫勾畱只盼來朝雨

君夢覓儂歸妾夢尋君去同渡一江雲長定宵來遇

臺城路

道出瓦梁子山邀遊謝氏園亭乘醉解纜偶述

此詞

習家池上秋容好意行同蹋落徑門柳搖金井梧褪碧
雙鎖一層樓影菊魂未醒忘雁背新霜帶來寒信先為
誰開芙蓉千朵壓波靚山公不知是客儘接羅倒著
花檻孤凭秋襖重修春人好在眉生月上濃醉肯容杯
冷晚煙作暝聽津鼓頻催挂帆風勁直恁分攜覺來應
不省

金縷曲

江上聞角

夢醒聞清角正江干參橫斗轉霜濃衾薄渾忘畫烏亭
畔住絕似塞垣蕭索聽嗚咽才停又作半壘將闌疑欲
斷被迴風扶近旋吹却商聲脆羽聲弱蘭橈穩借平
沙閣伴沙頭兩三征雁半宵眠覺欲遣閑情招共語試
把篷窗親拓惹一陣輕寒吹落當作長更聽到曉料汀
鷗未解憐飄泊問客鬢可如昨

木蘭花慢

瓜步阻風對月有憶

笑檣烏倒指可認我是歸舟儘吹冷江雲舞殘蘆雪搏
作離愁休休阻風中酒已年來蹤跡慣飄流誰道山齋

飯鶴不如水驛盟鷗 悠悠只惜此勾留枉負故園秋
正黃菊圍籬丹楓繡嶺眉月當樓羞羞雲搖雨散又累
人別恨紀從頭寄語欲憑新雁夢寒不近霜洲

浣溪紗

舟中望攝山雲樹倚此排悶

柳外長江江外山山頭雲氣晝迷漫千重萬疊鎖鄉關
便不容歸須遣去不應長定住江干看他潮去又潮
還

高陽臺

重九日尚滯江北風辛雨酸飲不成醉爰倚此
解斂絃歌之

濕霧沈山斷雲分雨半江煙水蒼茫貪繫扁舟無情偏
有垂楊連朝苦泥征人住教負他佳節重陽望江南何
處高樓對菊持觴 早拚買醉管騰睡把秋心一點和
夢商量只奈愁天甚時纔得昏黃寒潮又趁東風到蕩
霜波曲似回腸照誰簪一朵茱萸帽側釵梁

水龍吟

曉起稍晴旗腳未轉長年搖櫓出江望最高峯
影猶在雲裏經黃天蕩駭浪重疊泥舟不進惆
悵懷古漫賦此詞北風忽來送孤篷如一葉也
櫓枝雙劃晴波扁舟搖兀寒江裏朝暎未上東風尚峭
嫩霞堆綺驚浪畱人千攔百阻雪花飛起望濕雲猶滯

隔江峯頂橫一抹如流水 記說當年恨事困金人軍
屯娘子艤艫百萬星羅斗布截潮成壘天意存讎河開
走虜戰聲空碎賸怒濤莽莽東流萬古蕩英雄氣

定風波

泊舟黃泥港推篷見月

一角殘陽滯遠林斷雲畱住半江陰孤負峭帆風力飽
收了柁樓遂起暮煙深 水闊沙寒燈影暈誰問鸞飄
鳳泊此時心難得當頭眉樣月淒絕肯來篷底一相尋

又

潤州小泊望隔河樓上閨人曉妝

不管驚鴻見影羞鏡斂晨啟水邊樓零亂髻雲嬌欲墜
扶起聽呼小玉覓搔頭 拈得黃花渾嬾戴憔悴慵妝
不勝兩鬢秋無意臨波流一盼誰見眉彎堆得許多愁

臨江仙

夜發朱方驛至毘陵眷戀涼蟾達旦不寐填此
付榜人以吳音歌之

百里水程千萬曲月光宛轉相隨波心天上兩依依篷
窗涼不掩面面受寒輝 戍角聲沉雞欲唱金鑪香燼
餘灰起看斜影尚相窺料應今夜裏無意照紅閨

好事近

舟中望惠山有懷天眉伯夔簡塘竹畦

霜荻戰西風吹滿一船晴雪却向去帆影裏望九龍山

色 山光青處故人家不意我重涉難道挂篷竟去怕
閒鷗嘲客

蹋莎行

月夜經黃漣灘感舊

兩岸啼螿一篷寒露輕舟夜趁梁溪路銀蟾不解十年
心照人直向愁邊去 簫鳳新分鏡鸞慵舞關情却記
臨歧語畫樓西畔問垂楊舊曾攀處參天否

八聲甘州

改七香 琦少年聽雨圖

數蕭蕭碎響迸松門寒意畫黃昏仗四圍花檻一重羅
幕搵住檀痕隱約滴殘鴛鴦黯黯濕梨雲倚暖屏山坐
直恁消魂 聞道年時飄轉問山郵水店同聽何人早
鏡中鬢綠催換一絲銀試重尋小樓寒夢恐蒼涼無處
問蘭因誰堪證除非卷裏人記前塵

南歌子

美人畫眉小影

却月傳新譜橫雲憶舊痕今朝宜笑與宜顰欲下纖豪
先問鏡中人 商略描初就鸞環染漸勻拈來螺黛又
逡巡聞道有人澹掃最承恩

又

荀香生春渚曉吟圖

雀夢鶯催覺鱗漪燕蹴分嫩霞拋影畫魚門染就湖天

半角濯詩魂 粉瘦梅邊蝶 瑤消柳際春 綠雲如水蕩
簾紋報道詞成先付萬花熏

摸魚子

嘉平四日自雲閒返白門送者十人將抵城下
風驟雨作遂各辭去及至白龍潭孫君俠仙紀
生夢仙復冒雨而至掩篷清話情致拳拳蓋兩
君嘗約同歸以事牽畱不能無感薄暮潮至榜
人促發方黯黯分袂因作此詞却寄兩君并示
諸公

又天涯扁舟欲發催人遠聽津鼓不辭卯酒深盃盡爲
怕別懷淒楚相送處度遠市長橋未了消魂語千攔萬
阻指一角余峰濕雲低冪寒意漏疎雨 分衿去更有

盟鷗伴侶追尋遠踏江渚倚舷還羨歸期早代把郵籤
先數君聽取豈逼歲天寒未慣他鄉住飄零幾度今歲
錢唐再來便歸擁梨雲香圍玉繞離恨已難補兩返

秋波媚

缸花影瘦篆煙微初唱汝南雞何來噩夢折殘鴛侶咽
淚聲低 回身碧玉分明在癡問爲誰啼說應未可瞞
須未忍推道迷離

齊天樂

辛未正月廿八日偕汪海樹 瑚汪白也 度金雨
香 惠恩 馬棣原 功儀 城西探梅因訪展公於江

光一綫閣茗話逼暮賦此題壁記壬戌春過此
今十載矣

嫩晴催就嬉春約五番風信初警袖拂溪藤屐黏林蘚
踏遍釣磯樵徑疎鐘暗引露高閣凌霄倒涵江影紅染
采恩一枝霜萼破雲冷花閒僧瘦於鶴笑重來倦客
龍性方定認竹題名尋帘貫酒苦憶舊遊誰省斜陽度
嶺指萬木籠煙下方先暝直得勾畱凍香濃似茗

綺羅香

花朝海樹白也棣原杉青來集倉山爲羣芳祝
延席間采六一詞把酒祝東風句爲韻限調作
長短句余拈此解得酒字去年今日正維舟桐

橋柳陰中故詞中及之

數樹分鈴尋枝繫絲辛苦雛鬟纖手輕暖輕陰花氣中
人如酒記影事孤棹橫塘艤斷岸一篷煙柳背斜陽羨
殺遊船載香歸去擄枝驟今番休惜買醉好念頻年
浪跡未容相守往日盟鷗說道近來都瘦還覓遍溪北
溪南是幾簇紅芳依舊倚東風試酌春魂不辭煩玉友
東風齊著力

隱仙庵中老梅一株古幹橫斜傳是南唐遺植
年時著花甚繁今春水邊籬落香雪將銷此樹
蓓蕾未塘汪五白也馬二棣原賦詞催之余亦
繼聲

暖借煙封寒邀雀守耐盡黃昏都蘭荅刺喚不醒冰魂
未信牽蘿遂谷東風嬾怕到閒門偏傳說洞天不鎖吹
滿香塵 慵展兩眉顰應獨抱幽情訴與無人自甘冷
落睡老上陽春誰折歲鞋試問珠盈斛可換啼痕爭肯
待尋常桃李一例承恩

金縷曲

翠微亭晚眺

尋磴雲黏屐拂煙蘿偶來峯頂天低於笠杖底江流橫
匹練三五布帆飛出知幾個歸橈去檝記我前年曾放
棹墮奔濤險斂鮫人宅羨誰在此間立 而今閒對斜
陽說纔彈指驚魂未定已成陳跡訴與東風都不管但
送浮雲西北平疊起亂霞千尺忽露新蟾一鉤小捲紅
綃欲挂渾無力迴瘦影照亭脊

滿庭芳

湘灤徵君爲余畫寒雅萬點流水孤邨卷子極
荒寒澹沲之致未一載扶疾歸桐里去家半舍
卒於垂虹頃張此幀興悲舊雨卽用少游詞韻
題於左方

野水環橋疎藤網竹衰紅深鎖閑門蕉陰支榻荒翠護
琴尊風捲歸禽如葉林梢墮碎影紛紛明霞散蒼煙欲
起寒意滯前邨 吟魂偏戀此篝燈吮墨畫到宵分只
三尺霜縑說要長存爭料一聲彈指涼波蕩鷗夢無痕

垂虹遠鮑家詩好誰伴唱黃昏

月底修簫譜

三月十四日白也招集江光一綫閣之平臺蟾
光徘徊若來近人俯視四山衆綠如睡酒闌聽
章髯渠賓吹洞簫音韻飄渺不復知此身尚在
人世間也

玉乾坤花世界不放片塵到杖測銀灣驚度酒星小低
頭細認松篁千尋寒翠都化作波心萍藻 玉山倒有
人坐暖苔陰吹竹自成調裂石穿雲雀夢蕩煙杪拚他
下界人知明朝傳說曾聽見雲中歌嘯

八聲甘州

捧月樓綺語卷六

錢唐 袁通 蘭邨

泥憶雲室詞

浣溪紗

新亭放棹

獨向江亭放棹行萬行晴柳護新鶯此間曾記送傾城
璧返珠還畱後約雨搖雲散奈前生尋思往事怕分
明

百字令

徐小蓮出醉圍紅袖圖索句

烏皮几滑是誰耽側帽忍寒閒凭一點新愁無處着手

拂雁頭箋冷金叵羅深玉浮梁暖偶坐釵巾並紅搖綠
颺此時情緒誰省 記曾刻燭徵詩停撓喚遂花壓屏
山影那似檀奴緣分好玉樹瓊枝交映茗熟香溫歌殘
月轉付與鶯騰肯枝頭春鬧尚書且問紅杏 茗香李杏
皆君素所

聲聲慢

同人分調賦金陵古蹟拈得來燕堂此堂在宋
馬光祖所建烏衣園中今已蕪沒不可尋矣

巢新鷺換劫遠灰寒低徊漫覓華堂訪里尋鄰空餘社
櫟隄楊堂前幾重臺榭便問他燕子都忘賸一帶橋唇
芳草巷口斜陽 我亦烏衣子弟只十年浪跡門館蒼

涼舊日紅襟相逢何處雕梁辛勤尚修藻井怕重來沈
汝泥香應未似者溪園松竹久荒

瀟瀟雨

汪五白也重館余家寫倉山讀書圖索題時余
又將謁選入都漫爲倚此

小樓圍萬綠記當時選石對攤經歎幾載飄蓬煙蘿騰
詣援雀零丁賸得一峯無恙猶繞畫檐青飽食神仙字
蠹老書城 乞與君來重住儘研朱注易蘸碧題屏勝
粗錢十萬買宅博浮名趁晴宵倚闌孤嘯料林禽還識
舊書聲憑誰寫山郵水驛我又長征

乳燕飛

車子尊持謙亡室方蓮漪有句云飛入湘簾雙

燕子一銜柳絮一銜花頗為時人傳誦子尊悼

亾之餘屬周竹田介福寫詩意於長卷乞題

比翼衝花雨剪東風謝家庭院認桃穿絮為惜顛狂憐
薄命一樣飄零無主待判與零星銜聚飛近湘簾還側
眼怕香巢難著春如許才欲下又驚去那知窗底人
偷覷暗沉吟滿懷幽恨悄憑誰訴銷盡柔魂歸碧落畱
得斷腸題句問埋玉深深何處春尚重來人不見賸紅
襟雙踏簾鉤語香國夢太無據

一萼紅

春暮再過隱仙庵老梅甫開酣飲樹下

怨開遲記催春草撒翦雪作新詞幽境重來冷香吹面
繁英壓輭落枝渾不信東君有意管羣芳終始要煩伊
添个新蟾移將瘦影寫上生衣莫倚葳蕤牢鎖似過
時老女猶畫蛾眉輕薄天桃顛狂柳絮從來那識仙姿
却贏得者番俊語說也曾親與鬥腰肢一笑問花無語
香墮瓊卮

齊天樂

題畫芍藥送馬二棣原之澄江

一春未放春閒却春風也都吹倦分付將離報將歸訊
壓砌幾枝紅泐波長岸短更那料抽帆有人相伴越角
吳根迢迢肯問去程遠東君豈容畱住只尋煙問水

君去誰管撥棹迎潮拖篷聽月休道辭鄉曾慣星流電
轉經幾度飄零鬢絲都換難畫愁心柳花同歷亂

憶王孫

重過簡園弔心農主人胡穉

車回腹痛轉腸輪愁過西州月下門蕭寂名園掩暮春

淚痕新問字還來覓左芬君女七姑
從余五年

又

經燒書櫃半塵封遺挂依稀病裏容痛哭今存阮嗣宗
畫堂空屏角靈旗颭暗風

又

玉臺人去廿年遙蕭寺羈魂盼大招一種人天恨未消

化霜潮夜夜來尋白下橋

夫人汪氏先
山櫬寄石城道院

又

為誰辛苦半生忙水抱樓臺竹繞廊彈指重來宿草荒
月昏黃贏得魂歸一斷腸

又

五年偕隱借精廬商略栽花學種魚月底琴尊架上書
靜相於只有煙雲見起居

又

因緣回憶已前塵鄰叢吹殘涕淚痕何日方酬一飯恩
鬢霜新猶是風塵未遇人

憶舊遊

閨春既望子尊白也雨香棣原竹田招集飛雲
閣卽席同賦題蘭臯道士壁上

借松梢菌閣選榻眠琴問石支筇八尺琉璃地鎖晴霞
幾疊網戶玲瓏冷落半痕殘照閒向下方紅蕩萬井宵
煙一聲敲合何處疎鐘 萍蹤此重遇似鷗聚蘆碕雁
集霜空倚檻誰騰笑喚海蟾孤白飛上闌東窺人醉翻
螺淺香漬雀衣濃聽縹緲吹來步步虛聲墮天半風

滿庭芳

梅子

葉底青垂枝頭綠重年時倚樹曾尋江邨野岸熟趁雨
恹恹摘與玉纖搓處中門掩不鎖春深聽說道鴛鴦名

好穿向寶釵簪 長卿消渴甚一斂誰餉齒軟猶噙只

文君相伴蹙損眉心記繞繡牀閒弄任玉驄嘶斷牆陰
誰伴取江南賀老佳句雨中吟

青梅青
蓮詩也

手搓梅子映中門韓偓
句郎騎白馬來繞牀弄

齊天樂

壬申五月六日將赴京師道經邗上史甥仲仁

麀 海槎 錫賢 招遊平山泛舟湖中卽席有作

天涯圓得閒鷗夢扁舟棹入空翠十里煙波四圍亭館
商略種秋何地蘭橈不繫儘消受涼颼萬荷花裏香鎖
虹橋綠楊影蕩暮愁起 清尊相勸引滿甚雲和斜抱
飛下雙髻別鵠新情乘鸞舊怨都被冰絲彈碎肯辭薄

醉且借取曹騰暫圖濃睡一枕潮聲瘦蟾窺柁尾

秋千索

夢回偶述

分明積髻銜前擁綰一對鏡鸞簫鳳碧玉嬌迴抱裏身
難道是今宵夢別愁深鎖眉山重纔欲問曉鐘偏動
準待相逢再問伊難道沒來宵夢

金縷曲

暮投趙北口邨店瞻眺煙水買魚沽酒倚醉成

詞

一角斜陽裏指迷離煙波千頃蕩秋無際樓閣玲瓏橋
宛轉三五布帆搖曳記却似江南何地試約雙輪教且

住聽蘆中斷續漁歌起羨鷗夢安沙尾臨流暫脫征

衫洗端不分頻年猶浣軟紅塵膩窮似昌黎病司馬未
許岩棲谷寄又遣向長安索米對此茫茫成獨笑喚銀
盤膾鯉杯浮蟻得一醉且歡喜

采桑子

都門久住忽又花朝回首江南紛然有憶

客中佳節分明記又是花朝直恁無聊何處煙波十四
橋玉釵劃破相思字簾捲樓高暮雨瀟瀟定把飛遲
怨伯勞

又

墮紅低壓秋千影燕蹴湘鉤香簇羅幃何處春風十四

樓 恩恩莫記經年事只合心頭供養閒愁可悔催人
作遠遊

踏莎行

燕早南飛鴻猶北滯沉沉消息憑誰遞薄衾孤枕月中
攤可憐没个商量地 箏雁空排鈿蟬休寄春雲壓夢
慵扶起不分濃淡與酸辛最難調是愁滋味

浣溪紗

得江南消息却寄

蠶尾書殘薄命詞雁頭箋滑界烏絲問人鏡合是何時
長嘆悞教梁燕覺潛啼曾被枕鴛知料卿不悔費相
思

燭影搖紅

得子尊書

盼斷南雲十番飄墮雲藍紙美人書札勸加餐重疊珍
珠字說與西窗窗底近曾窺一奩煙水尊前惟欠鏡裏
春魂眼中秋士 苦問天涯庾郎應免傷憔悴分明一
首北山移爭代萱蘇寄欲訴新愁迢遞好丁寧泝潮雙
鯉但須報道酒熟中山先生歸矣

木蘭花慢

棣原寄詞用韻奉會悃悵之深不自知其言之
杳渺也

任粉殘香老渾不覺已春分謝燕足傳來上清文字玉

潔珠勻殷勤緘愁壘恨借新詞宛轉報離人爲道花間
倦雀瘦如松頂孤雲 露巾誰與話酸辛對影轉腸輪
問前度鶯花舊時月色昨夜星辰消魂那堪遍數賸飄
零一騎走風塵却向烏亭驚候償他絮果蘭因

南浦

借汪大憶蘭龔大自珍遊崇效寺

花底驟驕驄惹風髮霧鬣滿堆香絮小憩四禪天尋春
興又被啼鶯畱住亂紅暗鎖門前不見天涯路竹裏餅
笙聽漸熟難得此閒萍聚 未須同怨飄零被汀鷗梁
燕笑人辛苦彈指幾番來庭前柳高出檐牙如許畫牆
粉澹低迷忘却前遊句只合問他今夜月可記舊題詩

處

唐多令

客窗枕上見月

纖影畫遙天彎彎瘦可憐爲誰人尋到尊前露苦風辛
拚領略來照我可孤眠 暫與話纏絲畱伊到枕邊怪
恁恁便已西偏知否天涯無管束怎猶自怕畱連

金縷曲

長安友人席上遇琴南姪兩不相識譚次恍然
憶叔父紆亭先生由江寧司馬擢守大同姪甫
四歲今已逾弱冠需次保陽矣叙舊言懷倚此
誌感

十九年前別忽相逢長安道上鬚髯如戟兩世相看風
絮感不道似曾相識怎也合風塵淪謫雛鳳饑鸞同一
嘆問稻梁何處今堪覓慚賓戲負先德 家聲廣坐休
重說敢誇人當年頭角此時風骨悞舍煙雲來索米漫
計龍伸蠖屈更誰信未甘飄泊故舊關情如借問道新
來臣叔癡猶昔只贏得鬢絲白

踏莎行

美人折梅小影

玉換煙巒香圍林岫是誰花底沈吟久雙籠翠袖不勝
寒料量天氣交三九 煖蕊胎春晴煙醞酒年時小折
勞纖手美人不分已天涯亂紅也合懷人瘦

高陽臺

贈汪竹素 全德 記余己未歲遊京師遇君於船

山太史門前今十三年矣

煙水籬門送鴻迎雁十三年事迷濛鷺挈鷗提者番裁
算相逢低徊細數當時事渾不省因底恁恁兩飄蓬一
轉年華冷了歡蹤 今宵難得圍燈坐任堆殘蠹鳳轉
盡銅龍笑指張星分明移近天東多情應向江南住選
林泉挂笠支筇 船山方守萊州前於京師有結鄰倉山之訂 輒塵紅爭合饑
驅老了吳儂

金縷曲

都門對月有憶次汪憶蘭 琨韻

癡把銀蟾妬恁無端窺簾瘦影又圓三五可記年時攜
素腕小語畫闌深處有幾簇香紅低護今夜清光回首
望只絲楊綠砌鶯兒路攔客夢怕偷度 黃姑渡遠音
書阻料長宵玳窗瑣閣半沈花霧獨向簸錢堂下立數
遍濛濛飛絮也憶斷白門煙樹莫弄合歡雙帶子恐墨
痕猶濕曾題句惹清淚灑紅雨

八聲甘州

春晚重過萬柳堂適史問山 致儼 程春廬朱野

雲 鶴年 先在同湖舊遊賦此以紀

聽黃鸝高坐呪春陰萬綠一宵深仗驕驄曾識朝川煙
水扶醉來尋問訊長條無恙交影拂華簪杖策誰先到

驚起棲禽 同撲衣塵一笑借林泉幽趣暫浣詩襟只
閒鷗三兩未改十年心認苔封舊曾攀處嘆樹猶如此
我何任斜陽裏低徊往事莫怪沈吟

金縷曲

馬髯寄雲吟屋圖

長定峯腰住怎隨他涼飈吹轉便離瓊宇葉葉晴空橫
素練不信渾難自主曳幾片朝霞暮雨却笑下方人未
識道尋常霄漢閒來去堪舒卷是何處 玉山山下孱

顏路記當年尋煙問水與伊曾遇 余以庚申歲遊玉山
草堂住徐二懶雲窩

即君新 那料飄零千里別翻向天涯相聚遮不到鷺汀

鷗嶼蒼狗白衣憑變幻只關心別有黃姑渡飛一縷肯

歸否

